

OPŠTINSKI SUD U SARAJEVU

SARAJEVO
Ul. Senoina br. 1

TUŽILAC: Nedeljko Stanković, rođen 1.10.1958. godine u Tinji, opština Srebrenik, sa prebivalištem u Brčko distriktu, u ul. Bulevar mira 4.

TUŽENI: Oslobođenje d.o.o., sa sjedištem u ul. Džemala Bijedića 185, Sarajevo, koji zastupa direktor Nedžad Šadić.

RADI: naknade štete

V.s.p. 400.000,00 KM

TUŽBA

u dva primjerka

Stvarna nadležnost Suda određena je članom 27 stav 1 tačka 2) pod a) Zakona o sudovima u Federaciji BiH i članom 27 Zakona o parničnom postupku Federacije BiH.

Mjesna nadležnost Suda određena je članovima 28 stav 1 i 29 stav 1 Zakona o parničnom postupku Federacije BiH.

Pravni osnov: odredbe čl. 154, 155, 185, 186, 189, 198, 199 i 200 Zakona o obligacionim odnosima FBiH.

Tuženi je u dnevnom listu Oslobođenje broj od 24.04.2014. godine na jedanaestoj strani objavio tekst pod nazivom: „Leonardo na univerzitetu u Brčkom“, čiji je autor Boris Dežulović. U tekstu se iznosi veliki broj neistina o tužiocu. Na grub i primitivan način se aludira da tužilac kao osnivač Evropskog univerziteta angažuje za profesore lica koja ne ispunjavaju zakonske uslove, kao i da se na Univerzitetu čiji je on osnivač vrši kupovina diploma i ispita. Čitaoci bi trebalo da shvate da je u pitanju humoreska. Međutim, tekst uopšte nema formu humoreske, već autor neuspješno pokušava da tekst zaodjene plaštom humoreske. Da nije u pitanju humoreska vidi se po tome što se u njemu navodi pun naziv Evropskog univerziteta u Brčkom i svih programa koji se na njemu izučavaju. Navodi se puno ime i prezime tužioca, a koji je jedan od osnivača Evropskog univerziteta. Iz cjelokupne sadržine teksta jasno je vidljivo da je njegov cilj da se iznose neistine o tužiocu i Evropskom univerzitetu kako bi se tužiocu nanijela što veća šteta. Pri ovome se koristi već do sad više puta viđen na ovim prostorima nizak nivo humora.

Dokaz: kopija teksta pod nazivom: „Leonardo na univerzitetu u Brčkom“, koji je objavljen na 11 strani dnevnog lista Oslobođenje u broju od 24.04.2014. godine

Ovaj tekst uznemirio je studente Evropskog univerziteta i njihove roditelje. Više studenata i roditelja je zvalo telefonima tužioca i dolazilo na Univerzitet da se raspita da li su tačni podaci navedeni u spornom tekstu. Pri ovome su mnogi izrazili želju i da se ispišu sa Univerziteta. Sve ovo nanijelo je moralnu štetu tužiocu i Univerzitetu, a doprinijeće da se smanji broj upisanih studenata u narednoj školskoj godini.

Dokaz: visinu štete utvrditi preko vještaka ekonomske struke, kao i vještaka – neurologa, odnosno neuropsihijatarata.

Imajući u vidu sve navedeno u činjeničnim navodima ove tužbe, tužilac podnosi ovu tužbu i predlaže da Sud donese sljedeću

PRESUDU

I Obavezuje se tuženi Oslobođenje d.o.o. sa sjedištem u ul. Džemala Bijedića 185, Sarajevo, da tužiocu Nedeljku Stankoviću isplati naknadu štete pričinjene objavljivanjem teksta pod nazivom: „Leonardo na univerzitetu u Brčkom“ u dnevnom listu Oslobođenje broj od 24.04.2014. godine na jedanaestoj strani, te je time narušen ugled tužioca, i to u iznosu od 400.000,00 KM, sa zakonskim zateznim kamatama, računajući od 28.04.2014. godine, pa do isplate, a sve u roku od 30 dana od dana donošenja presude, pod prijetnjom prinudnog izvršenja.

II Ova presuda će o trošku tuženog biti objavljena putem sredstava javnog informisanja.

III Obavezuje se tuženi da naknadi troškove tužiocu prema ispostavljenom troškovniku.

Tužilac predlaže da Sud donese presudu zbog propuštanja na osnovu člana 182 Zakona o praničnom postupku Federacije BiH, ukoliko tuženi ne dostavi u zakonskom roku odgovor na tužbu.

Troškovnik – taksa na tužbu kako odredi Sud

Taksa na presudu kako odredi Sud

Tužilac
Nedeljko Stanković